

Headline	Jemaah haji Sarawak harus jaga nama baik negeri ini dan negara		
MediaTitle	Utusan Borneo Sarawak		
Date	09 Aug 2018	Color	Black/white
Section	News	Circulation	32,799
Page No	5	Readership	98,397
Language	Malay	ArticleSize	219 cm ²
Journalist	N/A	AdValue	RM 816
Frequency	Daily (EM)	PR Value	RM 2,449



Jemaah haji Sarawak harus jaga nama baik negeri ini dan negara

KUCHING: Jemaah haji Sarawak harus menjaga nama baik negeri ini dan negara amnya, dengan mendengar segala arahan daripada pihak Tabung Haji bagi menge-lakukan perkara atau insiden yang tidak baik berlaku sepanjang mengerjakan ibadah di tanah suci Mekah.

Menteri Muda Elektrik Luar Bandar yang turut ditugaskan membantu Ketua Menteri menjaga hal ehwal agensi Islam di Sarawak, Dr Abdul Rahman Junaidi berkata ia kerana, sememangnya pengurusan Tabung Haji Malaysia telah mendapat pujian Arab Saudi dalam menguruskan perjalanan serta waktu mengerjakan ibadah dijalankan.

“Saya berpesan supaya para jemaah menjaga nama baik Malaysia sepanjang berada di sana.

“Semoga semua jemaah haji kita berada dalam keadaan kesihatan yang amat baik sepanjang mengerjakan ibadah ini,” katanya.

Beliau menyatakan demikian ketika mewakili Ketua Menteri Datuk Patinggi



SELAMAT BERANGKAT: Dr Rahman bersalaman dengan jemaah haji dari Kuching dan Samarahan yang berlepas ke Mekah, kelmarin.

Abang Johari Tun Openg menyempurnakan pelepasan 150 jemaah haji dari Kuching dan Kota Samarahan di Lapangan Terbang Antarabangsa Kuching kelmarin.

Menurut Dr Rahman, seramai 1,181 jemaah dari Sarawak akan menunaikan ibadah haji pada tahun ini, dengan 539 lelaki dan 642 wanita.

Justeru, beliau mendoakan semoga segala perancangan dan pengurusan yang diatur oleh pihak Tabung Haji akan berjalan dengan jayanya tanpa sebarang masalah.

“Semoga para jemaah pergi dengan selamat dan balik ke tanah air dengan selamat serta mendapat haji yang mabrur,” katanya.